

www.BibleForChildren.org

Tio 8



Kab'italichetz vet iyolon Jesus tuch' Natanaeel
tuulb'al Galileea, tul utxh val u tz'alo'm tu tenam
Kanaa tuulb'al Galileea. Tul antich vitxutx Jesus ti'
u tz'alo'm. Atz ant Jesus tuch' inq'a nikich itxhus
tib' s-k'atza b'ek'ich ti' u tz'alo'm.



Poro motxetz u ta'l uuva, tul ech tal vet vitxutx
Jesus s-te s-eche: —Motxy vita'l uuva inq'a aj
tz'alo'm, —xe't vitxutx Jesus s-te. Ya'ne ech tal
vitxutx Jesus te inq'a nikich ik'uulan ti' inq'a kam
s-eche: —B'anvaq kam uva' toq tal Jesus sete,
—xe'te.



Ya'ne ech tal Jesus te inq'a nikich
q'exsan inq'a kam s-eche: —Nojsavaq
inq'a mama' txhaq txe'n tuch' txho'l a',
—xe't Jesus. Tul tira inojsaaq vete'.



Ya'ne ech tal vet Jesus te inq'a nikich
q'exsan inq'a kam s-eche: —Iq'ovaqetz
inb'eeq u a', tul b'enoq etaq' vatz u
iqatzin tetz tilix u tz'alo'm, —xe't
Jesus. Tul ex aq'loq vete'.



Ya'ne inatxh vet u iqatzin tetz tilix u tz'alo'm inb'iil
u txho'l a' uva' ma'tich ib'en vet s-ta'l uuva. Poro
ye'lich s-k'uul kam b'anax
vet ti' itxhej u ta'l uuva.
Pet ta'n kuxh inq'a nikich
q'exsan inq'a kam
ootzaqinich tetz uva'
yiqxh txho'l a' uva'
motx ipul tzaan,
atz taq'aq ku'
t-inq'a mama'
txhaq txe'n.



Tul sa'vit vet tzaan u vinaq, uva' tz'aloni, ta'n u
iqatzin tetz tilix u tz'alo'm. Tul ech tal te u vinaq s-
eche: —Jank'alxh inq'a
vinaq uva' nik itz'alone',
tan a' nik taq' elu'l
s-b'axa u b'a'nla ta'l
uuva. Ma'tetz vet ipal
ivi' tuk'at inq'a xaol u
ta'l uuva, ya'ne
nik taq'ax vet
elu'l u ta'l uuva
s-te uva'
b'iitxh
nik tale'.



Petetz koq axh, tan a' b'ak eesamal ka aa'n u b'a'nla
ta'l uuva. Tul ya'n aaq'l vet quk'a s-txheel, —xe't u
iqatzin tetz tilix u tz'alo'm.



A'etz ib'anvat Jesus u b'axa kaeb'al aanima tu
tenam Kanaa uva' at tuulb'al Galileea.

Tul tzitzi ik'utxhvat Jesus
uva' mam yol u tatine'.

Echetz iqejt vete inq'a
nikich itxhus tib' k'atz
Jesus uva', a'ich


Jesuuse u
Kriisto.



Ya'ne aq'b' vet Jesus tu totzotz Lu'. Tul til Jesus
uva' xoklich q'es u ixoq viji' Lu' vi' tx'atxh ta'n xamal
yaab'il.



Tul ilaj Jesus iq'ab' viji' Lu'. Tul yekich ya' vet u xamal s-ti'. Atz lakp vete'. Tul xe't vet ti' ik'uulal Jesus, atz ti' ik'uulal inq'a nikich itxhus tib' k'atz Jesus.




Ku'etz vet q'ij, atz q'eqx vete', uva's ipal vet u xeem q'ij saavado, tul mamala yaab' ex aq'axoq vet ka vatz Jesus. Atz mamala inq'a atich ok demoonio t-tanima, ex aq'axoq paqte vatz Jesus. Tul mamala vet xaol tu tenam uva'e, imol vet tib' tzi' vijub'alil u otzotz tal uva' atich Jesus.



Tul motx ib'an Jesus b'a'n inq'a yaab', inq'a kamaq kuxh yaab'ilil nikich b'anon. Tul mamala demoonio ituki el Jesus t-taanima inq'a xaol. Tul tira ye' nikich ikuy Jesus iyolon inq'a demoonio, ti' talta' jab'ilich Jesus. Tan tootzaqlich inq'a demoonio uva' een tzajna'qich Jesus k'atz quB'aal Tiuxh.



Tul mamala xaol nikich sa'on ikanax Jesus, tan atich
tiqle'm Jesus ta'n quB'aal Tiuxh ti' ib'anax b'a'n
inq'a yaab' s-kaqaayil.



Ya'ne aq'b' kajva'l inq'a vinaq uva' txhelemalich val u
vinaq ta'n, uva' tze'u'xich kuxh itxhi'o'l.



Tiletz vet inq'a vinaq uva' ye' la'ich
utxh vet ipalo'k k'atz Jesus tuch'
u yaab' ta'n u mam tenam, tul a'l
ijaqag vet ivi' u otzotz
talxh uva' atich Jesus
Ma'tichetz ijaqp
b'iil vivi' u
otzotz,



... tul taq'aq vet ko'p
u yaab' vi' tx'atxh tze'
vatz Jesus, u yaab'
uva' tze'u'xich kuxh
itxhi'o'l.



Tiletz vet Jesus uva' k'uqlichxh ik'uul inq'a vinaq ti'
ib'ant Jesus b'a'n u yaab', tul
ech tal Jesus te u yaab',
uva' tze'u'xich kuxh
itxhi'o'l, s-eche:
—Txa, qat inkuy
sotzsal vet inq'a
apa'v, —xe't Jesus.
—Toq val see:
Lakpen. Tul iq'o
vatx'atxh tze'.
Tul quxh tavotzotz,
—xe't Jesus.




Tul ok vet b'en Jesus tuul u vaarko tuch' inq'a nikich
itxhus tib' s-k'atza.




Niimetz vet atich oka'p vi' u mam a', tul ye' kuxh
taqla xe't vet val u mam kaqiq' jab'al
vi' oka'p u a'. Tul tetxhichxh vet
isotz ku' u vaarko jaq' u a'.
Tan nikich ipal vet ok a'
tuul u vaarko ta'n u
kaqiq' jab'al. Petetz koq
Jesus, tan vatyich
Jesus tuul u vaarko.



Tul ech tal Jesus s-eche: —iKe'ch nik exo've'
iYe'xetz kolxh k'uqleb'al ek'uul s-vi' ti' inkolt ex!
—xe't Jesus. Tul txakp vet Jesus. Tul ib'ek' vet
Jesus iya' u a' tuch' u kaqiq'.
Tul yekich ya' teyut tib'
u mam a'. Atz yekich
tz'inun vet u kaqiq'.



Tul tira motx kaj taanima inq'a nikich itxhus tib'
k'atz Jesus uva's tilt iya' u mam kaqiq' jab'al. Tul
ech motx tal vet s-vatzaq s-eche: —¿Kam talax naq
u vinaq uva'e? Tan itetxhal qat qeex naq ta'n u kaqiq'
jab'al, atz ta'n u mam
a'! —xe'taq vete'.



Tan sib'xh taanima quB'aal Tiuxh ti'
jank'al inq'a xaol vatz tx'ava'. Tan
a' isa' ye' la' itz'eqx inq'a xaol.
Pet at q'ij isaq uva' ye'l
iya'eb'al imotxeb'al
la' ib'ana.



Xa'tetze qat taq' tzaan in, in
viK'aol ti' ul vaq't vib' kamoq ti'
itxhoox jank'al vipa'v inq'a
xaol, in, uva' ta'nxxh in
sib' viqle'm.



Romaanos 3:23

Tan jank'al inq'a xaol, tan va'l kuxh motx ipa'vin s-kaqaayil. Tul tira ye' motx itx'ol topoona ti' tiq'ol viyolb'al quB'aal Tiuxh s-b'a'n, eche uva' itz'amich s-ti' ta'n quB'aal Tiuxh.

Romaanos 6:23

Tan oq a' u pa'v la' b'anaxi, tul kamchil b'en taq' vatz quB'aal Tiuxh. Pet vib'a'nil u quB'aal Tiuxh uva' nik toya, tan q'ij saq uva' ye'l iya'eb'al imotxeb'al b'en taq' ti' inimal u quB'aal JesuKriisto.

Evreeos 9:27

Tul echat kuxh ib'an quB'aal JesuKriisto, eche uva' b'ek'el ka ta'n quB'aal Tiuxh, ti' uva' paqul kuxh la' kam u xaol, tul xamtel la' aq'ax vet ku' yol tinuqul s-ti'.



Efeesios 2:8,9

Tan a' vib'a'nil quB'aal Tiuxh qat chiton ex, tan qat egej vet u quB'aal JesuKriisto. Jitetz ti' eb'ano'm tul qat ichitvat ex, pet yiqxh qat tzaj u b'a'nil t-taanima. Tul qat ichit ex. Echetz ye'xhab'il la' toksa iq'ij. Tan jit ti' ib'ano'm va'q xaol qat chitonka.

Romaanos 10:9,10

A'etz inq'a yole inq'aa: Tan ja'l uva' la' alon uva': —A' Jesuuse vinB'aal, —chage, tul la' tzaj t-taanima vigejexe' uva', a' u quB'aal Tiuxh itz'e'vsan u quB'aal JesuKriisto, k'uxh ma'tich ikam vete', tul chiteletz vet ti' ye' ib'en tu k'axk'o ti' inq'a ipa'v la' ib'ana. Tan oq tavaanimaxh la' tzajk vigeex u quB'aal JesuKriisto, tul jitetz vet axh aj pa'vome vatz quB'aal Tiuxh la' ib'ana. Atz ti' aalt vatz tenam tuch' vatzi' uva', a' Jesuuse vaB'aal, tul chiteletz vet axh ti' ye' ab'en tu k'axk'o ti' inq'a apa'v.



Xhun 3:16,17

Tan sib'xh taanima quB'aal Tiuxh ti' jank'al inq'a xaol vatz tx'ava'. Tan a' isa' ye' la' itz'eqx inq'a xaol. Pet at q'ij isaq uva' ye'l iya'eb'al imotxeb'al la' ib'ana. Xa'tetze qat taq' tzaan in, in viK'aol ti' ul vaq't vib' kamoq ti' itxhoox jank'al vipa'v inq'a xaol, in, uva' ta'nxx in sib' vikle'm. Qatetz itxhaq tzaan in quB'aal Tiuxh, in viK'aol. Poro jit a' qat itxhaqvatt tzaan in ti' taq'ax ja'p u yol tiib'a jank'al inq'a xaol ti' ik'axb'isale', pet, ti' uva', jank'al inq'a xaol la' ikol tib' vatz u k'axk'o ti' inq'a ipa'v.



1 Xhun 5:11-13

Tul a'etz viyol quB'aal Tiuxhe uva'a: Tan qat taq' quB'aal Tiuxh q'ij qusaq uva' ye'l iya'eb'al imotxeb'al, o' inq'a nik qeon viK'aol quB'aal Tiuxh. Tul atetz vet q'ij qusaq uva' ye'l iya'eb'al imotxeb'al, tan, ti' uva' at vet qatin tuch' viK'aol. Echetz ja'l uva' at vet tatin tuch' viK'aol quB'aal Tiuxh, atetz vet q'ij isaqe uva' ye'l iya'eb'al imotxeb'al. Pet ja'l uva' ye'l tatin tuch' viK'aol quB'aal Tiuxh, ye'letz q'ij isaqe uva' ye'l iya'eb'al imotxeb'al. Qatetz intz'ib'a b'en inq'a yol sete, ex inq'a nik qeon uva' at tiqle'm quB'aal JesuKriisto ta'n quB'aal Tiuxh. Echetz la' etootzaqite uva' at q'ij esaq uva' ye'l iya'eb'al imotxeb'al.



Tio 8-9; Kuxh 1-2, 4; Luk 4, 8; Xhun 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ixil, Chajul Bible (ixl) © 2016, Wycliffe Bible
Translators, Inc. All rights reserved.

<https://live.bible.is/bible/IXLCWBT/MAT/1>

©2024 Bible for Children, Inc.

www.M1914.org

www.bibleforchildren.org

